



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU UJEDINJENE HRVATSKE STRANKE PRAVA BiH

Broj: 03-07-6-1224/09  
Sarajevo, 02. marta 2010. godine

## SADRŽAJ

1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	7

## **MIŠLJENJE REVIZORA**

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Ujedinjene Hrvatske stranke prava BiH i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Na osnovu obavljenog pregleda godišnjeg finansijskog izvještaja utvrđeno je da Ujedinjena Hrvatska stranka prava BiH prekršila odredbe člana 6. Zakona o finansiranju političkih stranaka.**
- 2. Ujedinjena Hrvatska stranka prava BiH prekršila je odredbe člana 11. stav (2), (3) i (4) Zakona o finansiranju političkih stranaka i člana 15.1 stav (1) Izbornog zakona BiH.**

**Na osnovu našeg pregleda, odnosno kontrole finansijskog izvještaja, osim gornje napomene pod 1. i 2., nismo zapazili ništa značajno što bi ukazalo na nedostatke u finansijskom izvještaju ili finansiranju ove političke stranke suprotno odredbama Zakona o finansiranju političkih stranaka i člana 15.10 Izbornog zakona BiH.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled finansijskih izvještaja Ujedinjene Hrvatske stranke prava BiH i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka je iskazala prihode u iznosu od 6.637,00 KM, čija struktura je data u sljedećoj tabeli:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u Uk.prih. %</b>
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	6.637,00	100,00%
	Ostali prihodi	0,00	0,00%
	<b>Ukupni prihodi:</b>	<b>6.637,00</b>	<b>100,00%</b>

U godišnjem finansijskom izvještaju Ujedinjena HSP BiH je iskazala ukupne rashode u iznosu od 6.511,00 KM.

## 2. PREDSTAVLJANJE POLITIČKE STRANKE

Naziv političke stranke: Ujedinjena Hrvatska stranka prava BiH. Skraćeni naziv stranke je Ujedinjena HSP BiH.

Politička stranka je registrovana 20.05.1999. godine u Općinskom sudu u Mostaru, broj upisa R-1/99.

Sjedište političke stranke je u Mostaru, Splitska 29.

Lice ovlašteno za zastupanje stranke je Miljenko Miloš, predsjednik.

Lice ovlašteno za podnošenje finansijskih izvještaja za 2008. godinu je Miljenko Miloš.

Prema podacima iz finansijskog izvještaja Ujedinjena HSP BiH nema organizacione dijelove nižeg nivoa (entitetske, kantonalne, opštinske).

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Ujedinjene Hrvatska stranka prava BiH za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora održanih u oktobru 2008. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

**Obim pregleda i kontrole** finansijskih izvještaja Ujedinjene HSP BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i troškove predizborne kampanje.

### **4. PRETHODNE KONTROLE I REVIZIJE**

Služba za reviziju je izvršila pregled godišnjeg finansijskog izvještaja Ujedinjene Hrvatske stranke prava BiH za 2005. godinu i izdala izvještaj o pregledu sa mišljenjem, nalazima i preporukama. Takođe je izvršen pregled godišnjeg finansijskog izvještaja za 2007. godinu i izdat izvještaj o pregledu sa mišljenjem revizora da je stranka postupala u skladu sa odredbama Zakona o finansiranju političkih stranaka.

### **5. NALAZI I PREPORUKE**

#### **5.1. NALAZI**

**a) Ujedinjena Hrvatska stranka prava BiH prekršila je odredbe člana 6. Zakona o finansiranju političkih stranaka.**

Stranka u godišnjem finansijskom izvještaju za 2008. godinu nije iskazala prilog pravnog lica u iznosu od 300,00 KM<sup>1</sup>, čime je prekršila odredbe člana 6. Zakona o finansiranju političkih stranaka.

**b) Stranka je prekršila odredbe člana 11. stav (3) i (4) Zakona o finansiranju političkih stranaka.**

- Ujedinjena Hrvatska stranka prava BiH nije popunila obrasce godišnjeg finansijskog izvještaja za 2008. godinu u skladu sa Pravilnikom o godišnjim finansijskim izvještajima političkih stranaka, čime je prekršila odredbe člana 11. stav (3)<sup>2</sup> Zakona o finansiranju političkih stranaka.

<sup>1</sup> Izvod sa transakcijskog računa od 19.06.2008. godine.

<sup>2</sup> Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH, a čiji je sadržaj i forma propisan Pravilnikom o godišnjim finansijskim izvještajima političkih stranaka.

- Ujedinjena HSP BiH u obrascu 1 (opšti podaci o političkoj stranci) nije iskazala podatke o datumu upisa stranke u registar suda, što nije u skladu sa članom 9. Pravilnika o godišnjim finansijskim izvještajima političkih stranaka.

- U obrascu 2 (pregled prometa svih transakcijskih računa političke stranke) godišnjeg finansijskog izvještaja stranka nije pravilno iskazala podatke o prometu ulaza i izlaza, čime je prekršila odredbe člana 11. Pravilnika o godišnjim finansijskim izvještajima političkih stranaka. Naime, Ujedinjena HSP BiH je u obrascu 2 iskazala podatke o transakcijskom računa broj: 1327310910277423 koji je otvoren kod NLB Tuzlanske banke dd Tuzla, i to: stanje na dan 01.01.2008. godine u iznosu od 417,40 KM, promet ulaza u iznosu od 5.301,85 KM, promet izlaza u iznosu od 5.708,00 KM, i stanje na dan 31.12.2008. godine u iznosu od 11,25 KM. Kontrolom izvoda sa ovog transakcijskog računa utvrđeno je da je stranka putem ovog transakcijskog računa ostvarila promet ulaza u iznosu od 10.300,77 KM, odnosno promet izlaza u iznosu od 10.696,00KM<sup>3</sup>.

Takođe je utvrđeno da Ujedinjena HSP BiH u istom obrascu nije iskazala podatke o transakcijskom računu broj: 3060260000018484, otvoren kod Hypo Alpe Adria banke, čime je prekršila odredbe člana 11. Pravilnika o godišnjim finansijskim izvještajima političkih stranaka. Stranka je putem ovog računa primila sredstva iz budžeta Općine Posušje.

- Pregledom je utvrđeno da Ujedinjena HSP BiH nije popunila obrazac 3-f (prihodi iz budžeta) u skladu sa odredbama člana 19. Pravilnikom o godišnjim finansijskim izvještajima političkih stranaka. Ujedinjena HSP-a BiH je u obrascu 3-f iskazala prihode iz budžeta u iznosu od 6.637,00 KM, a da nije navela naziv nivoa vlasti, i broj i datum odluke na osnovu koje su sredstva uplaćena političkoj stranci. Takođe je utvrđeno da Ujedinjena HSP BiH nije u finansijskom izvještaju iskazala prihod ostvaren iz budžeta Općine Posušje u iznosu od 1.071,00 KM<sup>4</sup>.

- Neiskazivanjem priloga pravnog lica u godišnjem finansijskom izvještaju za 2008. godinu, Ujedinjena Hrvatska stranka prava BiH je prekršila odredbe člana 15. i člana 13. stav (1) c) Pravilnika o godišnjim finansijskim izvještajima političkih stranaka.

- Stranka nije pravilno iskazala troškove u obrascu 4 (ukupni rashodi) godišnjeg finansijskog izvještaja, što nije u skladu sa članom 20. Pravilnika o godišnjim finansijskim izvještajima političkih stranaka. Uvidom u obrasce godišnjeg finansijskog izvještaja, utvrđeno je da stranka u obrascu ukupnih rashoda iskazala režijsko-administrativne i ostale troškove za 3.100,00 KM manje u odnosu na troškove koji su iskazani u pojedinačnom obrascu 4-1 (režijsko-administrativni i ostali troškovi) godišnjeg finansijskog izvještaja.

- Ujedinjena HSP BiH nije ni na ponovni zahtjev Centralne izborne komisije Bosne i Hercegovine<sup>5</sup> dostavila od nje zatraženu dodatnu dokumentaciju (bruto bilans i glavnu knjigu sa analitičkim evidencijama) za 2008. godinu, čime je prekršila odredbu člana 11. stav (4) Zakona o finansiranju političkih stranaka.

**c) Stranka je prekršila odredbe člana 15.1 stav (1) Izbornog zakona Bosne i Hercegovine i člana 11. stav (2) Zakona o finansiranju političkih stranaka.**

Ujedinjena HSP BiH nije dostavila postizborni finansijski izvještaj – Lokalni izbori 2008. u skladu sa odredbama člana 15.1 stav (1) Izbornog zakona Bosne i Hercegovine, člana 11. stav (2)

<sup>3</sup> Podaci sa izvoda za period 01.01.-31.12.2008. godine.

<sup>4</sup> Dopis Općine Posušje br. 01-239/09 od 30.12.2009.godine.

<sup>5</sup> Urgencija za dostavljanje dodatne dokumentacija za 2008. godinu broj: 03-07-6-1224/09 od 27.10.2009. godine.

Zakona o finansiranju političkih stranaka i Pravilnikom o predizbornim i postizbornim finansijskim izvještajima političkih subjekata („Službeni glasnik BiH“ broj: 61/06). Stranka je postizborni finansijski izvještaj dostavila na sljedećim obrascima: prilog uz obrazac 3, prilog uz obrazac 4 i obrazac 4-2 (troškovi propagande), što nije u skladu sa članom 5. Pravilnika o predizbornim i postizbornim finansijskim izvještajima političkih subjekata<sup>6</sup>.

## **Troškovi predizborne kampanje**

Ujedinjena HSP-a BiH postupila je u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 3.170,00 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>7</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH Ujedinjena HSP BiH je u svrhu izborne kampanje mogla da potroši 43.335,90 KM.

## **5.2. PREPORUKE**

*Preporučuje se Ujedinjenoj Hrvatskoj stranci prava BiH da se pridržava odredaba Zakona o finansiranju političkih stranaka i Izbornog zakona BiH, a posebno na osnovu uočenih nedostataka se preporučuje:*

- *da postupa u skladu sa odredbama člana 6., člana 11. stav (2), (3) i (4) Zakona o finansiranju političkih stranaka i članom 15. 1 stav (1) Izbornog zakona BiH, odnosno*
  - *da priloge pravnih lica koji iznose više od 100 KM iskazuje u godišnjem finansijskom izvještaju,*
  - *da finansijske izvještaje koje podnosi Centralnoj izbornoj komisiji BiH sačinjava u skladu sa Pravilnikom o godišnjim finansijskim izvještajima političkih stranaka, odnosno Pravilnikom o predizbornim i postizbornim finansijskim izvještajima političkih subjekata, i*
  - *da dostavlja dodatnu dokumentaciju koju od nje zatraži Centralna izborna komisija Bosne i Hercegovine.*

### **KOMENTAR:**

U ostavljenom roku, Ujedinjena Hrvatska stranka prava BiH nije se očitovala na Preliminarni izvještaj o pregledu godišnjih finansijskih izvještaja za 2008. godinu.

Mr. Hasida Gušić, šef Službe za reviziju

Sanja Čabrilo, revizor

---

<sup>6</sup> U skladu sa članom 5. Pravilnika o predizbornim i postizbornim finansijskim izvještajima političkih subjekata, predizborni i postizborni finansijski izvještaji se podnose na obrascima: 1, 1-1, 2, 2-1, 3 sa pregledom uz obrazac 3, 3-a, 3-b, 3-c, 3-d, 3-e, 3-f, 4 sa pregledom uz obrazac 4, 4-1, 4-2 i 5.

<sup>7</sup> Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.